


S **LO**
Afl. 1.25

BRIYANDO FUERTE • TRECIENDO CLARIDAD
DIASABRA 15 JUNI 2024


Di Pueblo

SOLO SALUD

**YAMADA URGENTE NA
VIAHERONAN CU BOETNAN
PENDIENTE**




WWW.SOLODIPUEBLO.COM



SOLODIPUEBLO@GMAIL.COM

ENTRADA HUDICIAL NA CUNUCU ABAO RELACIONA CU TRAFICACION DI DROGA



Ademas di 4 aña sin por haci masashi
**FISCAL A EXIGI 4 AÑA DI PRISON PA
HOMBER ACUSA DI A VIOLA TURISTA
DURANTE MASASHI**



**MINISTER ENDY CROES TA INVITA
PUEBLO DI ARUBA PA E CLAUSURA DI
WEGANAN ESCOLAR 2024 DIASABRA,
15 DI JUNI, CUMINSANDO 6 DI ATARDI**

SALBA BIDA, SCOGE PA SIGURIDAD



www.traficosigur.aw

Como un paso pionero den Caribe y dunando atencion na desaroyo duradero’ A.T.A. TA FACILITA CURSO DI SOSTENIBILIDAD NA OPERADORNAN DI TOUR Y AGENCIA DI WAF

Aruba Tourism Authority (A.T.A.) recientemente a facilita curso virtual di sostenibilidad destina pa operador di tour y agencia di waf como un paso pionero den promove turismo sostenibel na Aruba. E iniciativa aki, realisa den colaboracion cu ‘Aquila Center for Cruise Excellence’, ta marca Aruba como e prome destinacion pa completa participacion den tal programa di entrenamiento. Dos organisacion, esta A.T.A. como Aquila cu ta miembro orguyoso di Florida Caribbean Cruise Association (FCCA).

E curso, dirigi pa e entrenador global Ambra Attus di e ‘Aquila Center for Cruise Excellence’, ta diseña pa suministra participantenan cu e conocimiento y herment necesario pa practica y mehora excursion y experiencia di e bishitante na un manera sostenibel. Ta importante pa menciona cu e curiculo ta alinea cu e criteria di ‘Global Sustainable Tourism Council (GSTC)’, y ta duna socionan local e capacidad pa adopta mentalidad, strategia, y habilidadnan cu ta enfoca riba experiencia autentico, impactante, y sostenibel pa e bishitantenan di e mundo di turismo crucero pero tambe di turismo en general, esaki mientras ta crea memorianan inolvidabel.

Temanan Principal cu a keda

presenta durante di e curso a inclui:

- Comprendemento di e tema di sostenibilidad y su relevancia/ importancia pa e industria di turismo
- Tendencianan actual den e industria crucero
- E papel importante di socionan local den asegura un experiencia sostenibel na e destinacion
- Guia y recomendacion dirigi na crea experiencianan sostenibel pa e bishitante
- Pasonan pa logra certificacion di ‘Global Sustainable Tourism Council (GSTC)’

Como miembro di GSTC desde 2018, entrenador Ambra Attus ta brinda hopi experiencia den biahe y turismo. Su pasion pa turismo sostenibel, hunto cu su experiencia extensivo den entrenamiento y entrenador den sostenibilidad, ta un parti instrumental den crea experiencianan cu proposito pa lineanan di crucero den Caribe.

Mas di 40 participante for di varios operador di tour y agencia di waf a atende na e dos dianan di sesion virtual, y a inclui ehempelnan interactivo cu a permiti pa un participacion activo y aplicacion di e concepto presenta durante di e sessionan.

Aruba ta orguyoso di ta e



‘forefront’ pa cu e entrenamiento aki den Caribe. E curso aki ta representa A.T.A. su compromiso pa proteha y conserva nos medio ambiente y naturalesa mientras ta proporciona experiencianan excepcional na e bishitante. Nos ta sumamente contento pa mira con nos socionan local lo implementa e practicanan sostenibel aki den nan operacion y ofertanan di tour. Un pabien na cada un di nan!

Tocante Aruba Tourism Authority (A.T.A.)

Desde 1 di januari 2011, Aruba Tourism Authority ta opera como un entidad ‘Sui Generis’. Un organizacion independiente den e esfera publico. Aruba Tourism Authority ta fungi como ‘Destination Marketing

and Management Organization (DMMO)’ y ta responsabel pa uni interes turistico entre socionan local e internacional. A.T.A. ta pone hopi enfasis riba e modelo di “High Value-Low Impact” cu ta para pa un balanse entre aumenta e balor economico di e bishitante, posiciona Aruba como un pais desea y sostenibel, y posiciona Aruba como lider di desaroyo como un destinacion. Cu meta pa sigui mantene esfuerzonan den linea segun e balanse menciona, y logra aumenta entrada pa medio di calidad di turismo en bes di e volumen cu nos destinacion ta ricibi. Capacidad di carga ta sigui ricibi atencion di parti di A.T.A.

POLIS A PARA E DAMA CHAUFFEUR DI UN NISSAN MARCH CORIENDO CU PLACHI NUMBER NO PAGA!

Diahuebs mainta durante patruya na Tanki Leendert polis a topa cu un auto Nissan March sospechoso sin plachi number paga, mesora polis a par’e.

Durante e control a ripara cu dilanti cu e no tin e number paga, como no tin lugar pa pone auto polis a dun’e un boet pa e infraccion cometi.



ENTRADA HUDICIAL NA CUNUCU ABAO RELACIONA CU TRAFICACION DI DROGA



Relaciona cu e caso di diaranson mainta awe mainta tambe a tene otro entrada hudicial e biaha aki na Cunucu abao, unda a detene e sospechoso R.J.E. di 38 aña na su adres. esaki ta un nvestigacion cu ta andando relaciona cu droga unda ya ayera

a detene un sosechoso di ladroncia pero tambe tin casonan di droga tambe involvi aden. E investigadornan a confisca varios evidencia na e cas ey. No por descarta mas detencion den transcurso di diabierna of den weekend.

LOTTO

5

Cuminsando cu 4 florin, bo por gana e suma grandi aki

Afl. **775.000,-**

Obtenibel na cualkier rebendedo di Lotto.

HUNGA AWO

sorteo ta awe nochi 7:45 pm



NoticiadiCorte

Ademas di 4 año sin por haci masashi FISCAL A EXIGI 4 AÑA DI PRISON PA HOMBER ACUSA DI A VIOLA TURISTA DURANTE MASASHI-1

– Awe mainta Corte di Husticia a trata e caso penal cu Minsiterio Publico a cuminsa contra e homber Venezolano O.(34), kende ta wordo acusa di a viola un turista durante cu e tabata haci masashi.

SOLO DI PUEBLO por a compronde cu O. a admiti di tabata relacion sexual cu e turista pero ningun momento a viol'e. Fiscal ta haya culpabel y a exige 4 año di prison y 4 año cu O. no por haci masashi.

Fiscal a bisa cu ta acusa O. cu riba 28 December 2023, el a viola un dama turista F. durante cu e tabata haci masashi na un hotel.

O. a bisa cu nunca el a abusa di e dama turista F. El a acepta di tabatin relacion sexual, pero nunca a force.

VIOLA OF RELACION?

Hues a bisa O. pa splica kico tur a sosode. O. a bisa promer a cuminsa masashi boca abao y despues e turista F. mester a bira boca ariba y el a tap'e cu sarbete pero a bira cara pa no wak'e sunu. Segun O., ora el a cuminsa masashi e pia robez, el a ripara cu F. a cuminsa hala rosea

pisa. Ora el a cuminsa masashi pia drechi, F. a cuminsa morde su lip y hala rosea mas pisa y a habri su pia un poco. O. a puntr'e si e masashi ta bon y el a bisa si. E ora ey O. a puntr'e si e por mishi na su parti intimo. E dama a bisa si. O. a bisa Hues cu el a cuminsa masashi eynan y penetr'e cu dede. Na dado momento F. a habri su pianan mas y O. a subi riba dje y a cuminsa tene relacion sexual. Segun O., na dado momento el a sinti cu e no mester haci'e pasobra ta su trabao. El a stop di tin relacion y a hala atras. Segun O., e ora ey e dama F. a hala bin mas serca y O. a sinti cu e dama tabata kier mas. E dama F. a brasa O. y a hal'e serca. E ora ey O. a reacciona cu no y a hala atras atrobe. El a bisa F. pa lag'e wak e ora. Tabata falta 15 pa 20 minuut pa completa e masashi. O. a bis'e pa mihor e masashi su cabez y nek. E momento di masashi nan dos a combersa normal. Despues O. a puntra F. si e ta contento cu e tratamiento y el a bisa cu si.

TURISTA A DENUNCIA VIOLACION

Hues a bisa cu e dama F. a declara na Polis cu e masashi tabata normal pero ora el a bolter,

O. a penetr'e cu su dede y despues a subi riba dje y sunchi y despues a tene relacion sexual cun'e pero a stop. F. a bisa cu O. a pone dede na boca y bisa F. pa keda keto. Segun O., ora e tabatin relacion, el a mustre pa keda keto y no haci desorden. F. a bisa cu el a duna O. 30 dollar tips y a bay compra sun screen y a bay cu su casa den camber. Den camber el a conta su casa cu el a wordo viola. Nan a bay front desk y haci denuncia. Segun F., ora el a sinti e dede di O. el a keda paralisa. Hues a lesa loke F. a skirbi riba papel na front desk caminda el a describi tur loke a sosode. Ta asina cu e turista F. a bay hospital pa haci investigacion.

Hues a bisa cu e hotel tin video y por a mira cu F. a yega e SPA y e ta wordo hiba na un parti di e SPA. Despues ta mira cu F. ta bin bek. Despues ta wak'e ta cana den hotel y despues ta cana cu un saco di plastic y a bay subi lift. Despues ta wak F. na front desk y Polis presente.

Ta asina cu Hues Comisario a laga O. liber pero Ministerio Publico a apela y Hof a dicidi cu no por laga O. liber promer cu e caso. Te ainda e ta sera den KIA.

Continuacion pag. 6

CHAUFFEUR TA REVERSE Y TA BAY DAL AUTO PASANDO DEN PARKINGLOT DI ALHAMBRA Y CU HENDE HERIDA



Diahuebs mainta a drenta informe di un accidente cu hende herida, mesora a dirigi tanto polis como ambulans na e sitio. Na yegada di e patrulla a bin compronde cu aki ta trata si un accidente unda cu chauffeur ta reverse y no ta nota e chauffeur biniendo y a bay dal riba dje. Debi na e impacto e dama pasajero cu ta un persona di edad a resulta herida. Na yegada di e ambulans a atende e dama na e sitio mes.



MINISTER ENDY CROES TA INVITA PUEBLO DI ARUBA PA E CLAUSURA DI WEGANAN ESCOLAR 2024 DIASABRA, 15 DI JUNI, CUMINSANDO 6 DI ATARDI



Diasabra, 15 di juni, e gran evento deportivo pa nos muchanan ta culmina. E clausura di Weganan Escolar 2024 lo tuma luga den Joe Laveist Sport Park na San Nicolas, cuminsando 6 or di atardi cu final di futbol di scol preparatorio y show di baile di NTG & NLG bou di guia di Marisol Peña. Na

final di anochi, lo entrega premio na e muchanan di scol preparatorio, docente di aña y scol di aña. Lo tin diferente tent di cuminda cu bar bon surti. Minister Endy Croes ta gradici tur scol cu participa den e gran evento aki cu e meta di stimula nos hobennan pa practica deporte y keda activo. Un total di

1300 alumno di 45 scol preparatorio, basico y secundario a competi contra otro durante dos (2) siman den diferente disciplina entre otro,

beach tennis, volleyball, futbol, badminton, "kids athletics", We Baile y We Mente. Finalmente, Minister Endy Croes conhuntamente cu IBISA

ta invita e Pueblo di Aruba pa bin presencia e final di futbol di scol preparatorio durante e gran clausura di Weganan Escolar 2024.

notariskantoor *Mr. M.J.C. Tromp*

EXECUTORIALE OPENBARE VERKOOP

Op **donderdag 18 juli 2024** des namiddags om 14.00 uur, zal in de Kamer van Koophandel en Nijverheid van Aruba, J.E. Irausquin Boulevard 10, Oranjestad Aruba, ten overstaan van notaris mr M.J.C. Tromp of haar plaatsvervanger, de executoriale verkoop, als bedoeld in artikel 3:268 van het Burgerlijk Wetboek van Aruba, bij opbod en daarop volgende afmijning worden gehouden van:

- het recht van erfpacht tot 15 april 2064 op een perceel domeingrond, groot 430 m2, gelegen aan de Caya Mangasina te Mabon in Aruba, nader omschreven in de **kadastrale meetbrief nummer 187 van 20 mei 1998**, met het daarop gebouwde, plaatselijk bekend als **"Caya Mangasina 64"**;
Inzetsprijs: Afl. 127.000,==.

De veilcondities zullen 8 dagen voor de verkoopdatum ter inzage liggen ten kantore van voornoemde notaris.

De executant behoudt zich het recht voor, de veiling uit te stellen en op te houden zonder de verplichting de reden(en) daartoe te noemen.

Tot en met 3 juli 2024 kan onderhands op het te executeren registergoed worden geboden bij een aan voornoemde notaris mr M.J.C. Tromp gericht geschrift.

Bieders dienen terstond een bankgarantie of een gelijkwaardige document dat aanvaardbaar is voor de executant, te overleggen en in het bezit te zijn van een geldig identiteitsbewijs.

Notariskantoor mr M.J.C. Tromp
Santa Cruz 35
Tel: 5853500/5857900
Fax: 5854222

Email: veiling@notaristromp.com/auction@notaristromp.com

Clasificados



SOLODIPUEBLO@GMAIL.COM
CEL. 585 9500



Ademas di 4 aña sin por haci masashi FISCAL A EXIGI 4 AÑA DI PRISON PA HOMBER ACUSA DI A VIOLA TURISTA DURANTE MASASHI-2

VICTIMA A PAPIA DEN CORTE

E dama F. a bin Aruba cu su casa y tabata den Corte pa expresa su mes. Hopi emociona y na yoramento, F. a bisa cu e ta un persona hopi reserva y no ta papia cu hopi hende. Esnan cu conoce bon sa cu e ta optimista pa traha. Awor cu el a pasa den e experiencia mahos aki, e no ta sigur cu e ta optimista. El a bisa cu el a bin Aruba pa pasa vacacion cu su casa y nan a asumi cu lo ta sigur na e hotel. Su casa a hiba un lucha contra cancer y a vence. El a bisa cu den camber di masashi e tabata pensa pa sobrevivir e abusador. El a bisa cu nunca e lo bay lubida e experiencia di violacion. Loke e tabata desea, tabata di sali for di e camber. Ora el a sali, e tabata haci cosnan cu e no sa kico e tabata haci. E tabata kier a sali mas liher posibel for di e lugar. E dama a bisa Hues cu el a purba di actua normal pa ningun hende ripara kico a pasa. El a bisa cu el a sinti su mes sushi. El a bisa cu el a warda masha hopi na hospital y a bay hotel y bolbe su siguiente dia pa haci investigacion forence. Na Merca el a isola su mes y no por haci cosnan cu e ta costumbra di haci. El a bisa cu te ainda, e tin hopi dificultad pa drumi. Su casa ta cuid'e. E tabata yora cada biaha cu e baña pa

kita e sensacion cu el a sinti ora cu O. tabata sunchi e. E tabata hasta grita su casa pasobra e no por soporta. E no tabatin relacion cu su casa. Cada vez cu su casa mishi cun'e, e tabata haya un rabia y tabata grita. E tabata isola su mes hasta di su mama. E tin miedo pa ta na cas su so. E no ta sinti'e sigur mas na cas. Nan a instala extra lock y hasta camera pero esey tampoco ta yuda. E dama F. a expresa cu nunca e homber O. lo sinti loke el a sinti. El a bisa Hues cu no mester laga O. haci esaki cu ningun hende mas. El a bisa cu e lo keda afecta pa resto di su bida y lo no ta mescos cu e tabata anterior. El a bisa cu e ta sinti falta di su mes di loke e tabata y no sa si e lo bira bon bek. El a bisa cu ningun momento el a duna permiso pa O. haci esaki cun'e. **4 AÑA DI PRISON EXIGI**

Fiscal a bisa Hues, cu O. a abusa di su posesion di abusa di un turista. E turista a pensa promer cu O. su man lo a faya ora e tabata masashi su pia. Despues e ta sinti con O. a hinca dede den su parti intimo. E dama a haci denuncia di violacion contra O. Fiscal a mustra cu O. a bisa cu el a haci un fayodoor di tin relacion intimo cu e turista. El a kere cu e turista a gusta y pesey a hinca dede y despues a tene relacion

sexual. Fiscal a remarca cu e turista a bisa cu ningun momento el a duna autorizacion pa O. mishi cu su parti intimo y mucho menos tene relacion sexual.

Fiscal a bisa Hues cu den caso di violacion, tur hende ta reacciona diferente. Tin hende ta resisti, otro ta bay den un shock y ta sigui cu e rutina y despues ta reacciona. Na opinion di Fiscal, no ta nada straño cu e turista tabata kier pa tur cos caba y despues a bay conta su casa. El a bisa Hues cu por a scucha e turista bisa con el a keda den trauma y ta isola su mes.

Na opinion di Fiscal, e hecho cu e turista no a reacciona di biaha, no kiermen cu el a gusta. Pa loke ta e castigo, Fiscal a bisa cu e ta tene cuenta cu O. tin un señora cu ta en espera di baby. Segun ley, e castigo pa violacion ta 3 aña di prison. Fiscal a sigui bisa cu ora ta trata di abusa di posesion esey ta haci e castigo bira mas pisa. E ta haya cu O. a tacha e integridad di e turista. E turista lo keda añanan largo den trauma y actual e ta hayando tratamento. Fiscal a exige 4 aña di prison. Tambe Fiscal a bisa cu mester proteha comunidad di cu O. lo bolbe haci algo asina. El a exige pa prohibi O. pa 4 aña no por haci e trabao di masashi.

POLIS A DETENE MUCHA MENOR DI EDAD HUMANDO MARIHUANA NA VELD DI UNITED DURANTE MUCHA CHIKITONAN NA TRAIN



Diahuebs atardi ora cu un polis na civil cu a hiba su yiu chikito pa train hunto cu otro muchanan a nota un hobencito menor di edad ta humando marihuana

y ta manda e huma riba e otro muchanan cu ta train na e veld di United, mesora ela yama su coleganan na warda y avisa nan di locual ta pasando. E patruyanan

di Noord a yega mesora y e hobencito a purba huy pero polisnan a gar'e den e rooi pabao di e brug di Madushi mesora nan a detene y coy su bais. Den su poder a haya un grinder y un cuchiu esakinan a ser confisca.

A pidi e vehiculo di transporte pa bin buske y hib'e na warda di polis. Un rato despues a hib'e na oficina di polisnan cu ta atende casonan di inmoralidad y asuntonan di menor.



YAMADA URGENTE NA VIAHERONAN CU BOETNAN PENDIENTE

Grenspolitie lo, riba peticion di Ministerio Publico, sigui para viaheronan cu debe di boet durante e period di vakantie cu ta nos dilanti. Personanan cu debe boet ta core riesgo di wordo deteni dor di Grenspolitie y di lo no por sigui cu nan viahe te cu nan cumpli cu pagonan di nan multa(nan).

Esaki por tin, entre otro, como consecuencia cu hende ta perde avion. Si resulta cu un persona no por (o no kier) paga e boet, CEA

lo traslada e persona aki pa KIA pa e cumpli cu su detencion. Pa cu e meta aki KIA a prepara caba celnan tanto pa hende homber como hende muher.

Ministerio Publico ta haci un yamado urgente na tur hende, especialmente na viaheronan, cu tin debe di boet pa paga esaki mas liher posible. Por paga online via cuenta bancario 4000905 di ArubaBank, bao mencion di e

parketnummer (cu ta cuminsa cu un P).

Tambe bo persona por paga na caha di Ministerio Publico despues di haci un afspraak via e website (www.omaruba.com). Si bo tin algun pregunta tocante bo boet, por manda esaki pa info@omaruba.aw. Bo por haci uso alavez di e formulario di contacto riba e website pa haci pregunta.



Minister di Finansa y Cultura:

MINISTER MADURO DI FINANSA TA COMPARTI PREOCUPACION DI ARA Y A TUMA ACCION PA INTRODUCI UN MANEHO DI PARTICIPACION Y DIVIDENDO PA COMPANIANAN ESTATAL NA ARUBA



E siman aki Algemene Rekenkamer Aruba (ARA) a publica su raport 'Op afstand, maar toch dichtbij' riba e relacion di Gobierno y su companianan estatal. Minister Maduro di Finansa ta comparti e preocupacionnan di ARA y ta informa cu a tuma accion caba riba esakinan den tema B di Landspakket riba e 'deelneming

y dividendbeleid' pa Gobierno di Aruba.

E mandatario ta informa cu e prome paso ta tuma den e investigacion 'Doorlichting overheidsbedrijven Aruba,' haci na aña 2022 cu ta disponibel riba www.gobierno.aw via e link https://cuatro.sim-cdn.nl/arubaoverheid2858bd/uploads/doorlichting_b2_

[landspakket.pdf](#).

"Awo nos ta bezig cu e di dos paso cu ta e plan cu KPMG Advisory di Hulanda y e compania local PKF ta trahando pa Gobierno por introduci y hiba acabo un maneho di participacion y dividendo pa companianan estatal. E maneho lo conta pa e companianan estatal Setar, Freezone, Post Aruba, AAA, Elmar, WEB, RDA, APA, ANSA,



Arubus y Utilities. Pa Gobierno, Minister di Finansa lo ta encarga pa hiba acabo e maneho di participacion y dividendo

na e companianan estatal." Ta e reaccion di Minister Maduro di Finansa riba e raport mas reciente aki di ARA.



MINISTER ENDY CROES A ATENDE E CEREMONIA PROTOCOLAR, EN CONEXION CU 126 ANIVERSARIO DI INDEPENDENCIA DI FILIPINA



special cu a ser ricibi riba e tapijt cora pa e Consul General Sra. Amy Henriquez – Mendez. A inicia e mainta festivo cu interpretacion di himno di Aruba, sigui cu e himno nacional di Filipinas, "Lupang Hinirang" (Patria



Adora) interpreta pa coro Consular.

A habri e ceremonia cu ponemento di flor door di Parlamento di Aruba, Gobierno di Aruba, Consulado Filipino, Embahada Filipino di Den Haag y Fundacion Fiestas Patrias. Despues a sigui cu e discursonan, unda cu den nomber di Gobierno di Aruba y Prome Minister Evelyn Wever – Croes, minister Endy Croes a hiba palabra.

Emandatario di Enseñansa y Deporte a gradici e comunidad Filipino pa contribui na e desaroyo y progreso di economia di Aruba. Sigui pa discurso di Vice - Presidente di Parlamento di Aruba Sr. Raymond Kamperveen y Consul General Sra. Amy Henriquez – Mendez.



Despues di e discurso di Sra. Henriquez – Mendez a brinda cu tur presente pa celebra 126 aña di Independencia di Filipina. E invitadonan a presencia un show bunita y colorido di baile, canto y un festival di cuminda cu a refleha e cultura y herencia di Filipina.

Tur aña na e ocasion y celebracion di Dia di Independencia di Filipina ta corona nan reinanan, esta Filipina Infantil a ser corona door di director di

Departamento di Cultura Sr. Siegfried Dumfries, Teen Filipina a ser corona pa griffier di Parlamento di Aruba Sr. Herman Hek y Minister Endy Croes a corona Miss Filipina 2024. Ademas di esaki, a duna reconocimiento na varios persona cu ta yuda e comunidad Filipino na Aruba. Por ultimo, e mandatario di Enseñansa y Deporte ta gradici pa e invitacion alabes ta felicita e comunidad di Filipino na Aruba cu nan independencia.



: Riba 12 di juni, a tuma luga e ceremonia protocolar en conexion

cu e 126 aniversario di Independencia di Filipina y e di 21 aña cu a hisa e bandera di Filipina na Aruba. Presente e mainta special aki, tabata Minister Endy Croes, Vice-Presidente di Parlamento di Aruba, Sr. Raymond Kamperveen, griffier di Parlamento di Aruba Sr. Herman Hek, secretaria suplente di Consejo di Minister Sra. Geraldine Blom - Ras, director di Departamento di Cultura Sr. Siegfried Dumfries, parlamentario Marco Berlis, seccion Consular y demas invitadonan

Minister Rocco Tjon: DIFERENTE INVERSION A WORDO HACI DEN LIDERZAGO PA CU DIENST BRANDWEER ARUBA



- Diahuebs mainta, minister di Husticia y Asuntonan Social sr. Rocco Tjon a reuni cu directiva di Brandweer den cuadro di avansenan pa loke ta Post

Oscar y e departamento den su totalidad. Asina por menciona cu, a base di un plan integral, ta haciendo inversion pa asina ambos Brandweer y Airport por ta

ICAO compliant, y pa por logra esaki, ta invertiendo den liderazgo.

Manera ta conoci for di dos aña pasa Ministerio di Husticia y Asuntonan Social a percura pa diferente inversionan adicional pa Dienst Brandweer Aruba. E inversionnan aki tawata ensera inversionnan infrastructural, pa adkiri material necesario pa e trahadonan, inicia opleidingen atrobe y tambe compra di trucknan nobo.

Na mes momento tin un plan integral tambe pa loke ta ekipa y reenfora e management team di Dienst Brandweer Aruba, pa asina ehecuta e hayasgonan di e audit cu a wordo haci aña pasa, pa asina Aruba como pais por cumpli cu normanan y reglanan vigente. Y pa



logra esaki a aloca tur e fondonan necesario.

Bisando esaki, nos kier duna un bon bini na sr. Mark van Aken kende ta bin reenfora e ekipo di Brandweer door di scirbi un "doorlichtingsrapport". Adicionalmente, lo conta cu e yegada oficial di alto rango pa lidera Post Oscar, situa na Airport, sr. Rein Hulst, cu actualmente ta fungi como Manager of Emergency Response na Schiphol Airport, y lo keda

asigna na AAA y na mes momento lo keda asigna na Management Team di Dienst Brandweer Aruba cuminsando desde 1 di juli 2024. Prome cu e fecha aki, Hulst lo inicia cu algun trabou preparatorio den consulta cu Dienst Brandweer y AAA.

Por ultimo, hunto cu un comandante interino cu ta bin for di Hulanda pa reenfora e ekipo pa un periodo di dos aña, lo bay ehecuta e plan integral.

NEISHI ABEHA A ATACA RAMON G. LAGUE CASI SIN HALA ROSEA



Diahuebs mainta nos amigo Ramon G., a se ataca pa un neishi abeha na Companashi cu sorpresivamente y ferosmente a ataca nos amigo Ramon, su pick-up a keda cendi y ela core bay te na e school eybanda pa pidi auxilio pasobra e no por a hala rosea y a dal abao. Na yegada di e ambulans nan a tume over y a haci nan maximo esfuerzo pa yude.



Na yegada di e ambulans nan a atende te cu mester a hib'e pa hospital. Como su pickup a keda sendi polis a bin paga esaki y a avisa

su yiu pa bin busca e pick-up. Na e momento cu polis a bay na e pick-up ainda esaki tabata yena cu abeha

John Soliano nieuwe Gezaghebber van Bonaire

De heer J.R.E. (John) Soliano wordt de nieuwe gezaghebber van Bonaire. Staatssecretaris Alexandra van Huffelen van Koninkrijksrelaties en Digitalisering heeft hem in de ministerraad voorgedragen voor benoeming.

John Soliano (52) is geboren op Bonaire en is sinds 2024 directeur Bedrijfsvoering en Ondersteuning bij het Openbaar Lichaam Bonaire. Hij was van 2022 tot 2024 zelfstandig adviseur op het gebied van personeelsbeleid, organisatieontwikkeling, leiderschap en deugdelijk bestuur. Daarvoor werkte hij onder meer zes jaar als manager bij de Orco Bank Bonaire en was van 2012 - 2016 als directeur verantwoordelijk voor de reorganisatie van de Bonaire Holding Maatschappij (BHM). Hij bekleedde diverse functies als interim-manager en manager human resources bij onder meer het Bonairiaanse telecombedrijf (Telbo N.V.) en het Water- en Energiebedrijf Bonaire (WEB).

De heer Soliano studeerde Personeel en Ar-



beid aan de Hogeschool West Brabant en behaalde aan de University of the West of England zijn Masters of Arts in Managing Human Resources.

De benoeming van de heer Soliano als gezaghebber van Bonaire gaat in op 1 augustus 2024.

Dedica na mi querido
tata Dr. Lorenzo V.
Britten d.f.m. i na tur tatanan
riba nan dia
"DIA DI TATA"
Specialmente na mi esposo
Rafael, rumannan Victor, Louis,
Carlos, cuña Tirso i yerno
Gregory.

" TATA STIMA."
Bo a sinja mi cana
sin miedo pa no trompica
Bo a sinja mi papia
pa mi por a los mi lenga
Bo a sinja mi lesa
pa sa kiko ta nos idioma
Bo a sinja mi conta
pa e numbernan desifra
Bo a sinja mi resa
pa den orashon expresa
Cuanto mi tata a haci
i ningun pago di mi ricibi
Awe su cabei ta blanco
cuanto mi ta desea awo
pa e por bolbe hunga
manera antes den cura
Ya e no por cana mas
su stem a bai atras
ni corant e no por lesa
su wowonan ta cansa
anochi prome cu drumi
e ta corda pa gradici
Papa Dios pa e anjanan
cu e ta pasa cu su yiunan
Esei ta e homber di Dios
cu yama " TATA"

Efesionan 6 vers. 1-4

Autor:
Omaira I.Rodriguez-Britten

Maravillas de la Fe

Bo ta sufri di un malesa nan cu no no por cura
? Manera artrosis, Alzheimer, demencia,
depressión, diabetes osteoporosis, párkinson,
insomnio, dolor di barica, weso migren dolo di
barica, dolo di wesu, lomba, ect? Bo ta bebe
remedi i bo no ta cura? Bo ta victima di
bruheria? comunica na MARAVILLAS DE LA FE
na 748 56 71

Bo no tin suerte? bo placa no ta
jega? Bo ta cumpra number i bo
no ta gana? Bo ta bai casino i
perde tur bo placa? Invidia,
mala suerte? comunika na 748
56 71

Bo tin problema di amor? Bo
pareha ta gaña bo? Fracaso,
soledad, angustia. comunika na



Comunica na 748 56 71



748 56 71



Desvia pa cacho bay dal riba kashi di coriente na Cunucu Abao

Diahuebs atardi a drenta informe di un accidente na Cunucu Abao, meosra a dirigi un patruya na e sitio. Na yegada di e patruya a bin compronde cu aki ta

trata di un accidente unda cu e chauffeur a desvia pa un cacho y a bay dal na e kashi coriente. E cacho no tin doño pero ta ser alimenta pa un di e fundacionnan.



Dia 31 di juli proximo ta e ultimo dia pa entrega e declaracion definitivo di winstbelasting 2023 y haci e pago corespondiente

ORANJESTAD – Dia 31 di juli proximo ta e ultimo dia cu por entrega e declaracion definitivo di winstbelasting 2023 y haci e pago corespondiente. E fecha final tawata 1 di juli 2024. Riba peticion di e asociacion di conseheronan fiscal, Departamento di Impuesto a dicidi pa duna e contribuyentenan un poco mas tempo pa motibo di introduccion di e formulario digital nobo y ta brinda asina tur contribuyente incluso nan consehero fiscal un luna mas di tempo pa por

cumpli. Manera conoci, entrante aña fiscal 2023 mester entrega e declaracion di winstbelasting den forma electronico via e portal “BO impuesto”. Entrega e declaracion y haci pago E ultimo dia pa entrega e declaracion y haci e pago di winstbelasting di aña 2023 ta bira 31 di juli 2024. Si acaso no ta alcanza pa entrega e declaracion definitivo pa dia 31 di juli proximo, lo mester entrega e declaracion provisional (voorlopige aangifte) y haci

e pago corespondiente no mas laat cu dia 31 di juli 2024. Inspector lo evalua e peticion y si e contribuyente cumpli cu e condicionnan pa extension, e ultimo dia pa entrega e declaracion definitivo y haci e pago corespondiente ta bira dia 2 di december 2024. Incumplimento Contribuyentenan cu no cumpli cu entregamento di e declaracion definitivo, lo haya un cobranza adicional esta un ‘naheffingsaanslag’ inclui boet. Mescos ta conta si acaso e cliente a paga un suma menos cu locual el a declara na winstbelasting. E boet pa incumplimento di entregamento di e declaracion ta maximo Afl. 2.500. Si e contribuyente no haci e pago di winstbelasting of no haci e pago corectamente, e boet ta maximo Afl. 10.000. Departamento di Impuesto ta conseha tur contribuyente di winstbelasting y/of nan conseheronan fiscal pa no warda te na ultimo pa entrega e declaracion y haci e pago di winstbelasting corespondiente pa evita un cobranza adicional (naheffingsaanslag) y e boet pa incumplimento.

E poesia aki mi ta dedica na mi
Tata Ausente cu mi ta recorda cu Amor
Sr.Lorenzo V.Britten
Dr.Britten q.e.p.d.

"MI GOSO."

Mi goso ta e fruta cu mi Tata a planta y awe mi por disfruta di su existencia e capacidad di yuda sin ningun interes pa sinti satisfashion di por yuda un bes .

Mi goso ta ora cu un persona menshona e bon trabou cu mi tata a jega di realisa sa cu no ta tur ora bo ta wordo aplaudi pa e logro sin ricibi un danki bon mereci.

Mi goso di mira e carrera politico hiba un homber honrado cu un soño pa logra den su bida cu tabata mira su pueblo uni lucha cu alma y curpa pa sigui sobrevivi .

Mi goso : awor cerca Papa Dios su Amor ta su frutanan cu ela planta pa ta lo mihor su 6 yiunan unda respet pa otro a refleha sigui e caminda cu pa nos ela laga planta .

Mi goso ta pa gradici Tata Celestial tur dia pa a duna mi un tata na mundo tan stima a siña mi con hiba e lucha cu honor y balor perdona i no mira atras loke a causa dolor .

Autor : Omaira I.Rodriguez-Britten



Publica serka nos anuncio di fayecimento di bo ser keri.
Nos tin 2 pakete pa ofrece;

Pakete 1: Anuncio di fayecimento te dia cu e defunto ser dera
Gradicimento y invitashon pa misa pa 3 dia Afl 250,00

Pakete 2: Anuncio di fayecimento te dia cu e defunto ser dera
Gradicimento y invitashon pa misa pa 3 dia
Na Canal 22 1x prome cu Noticiero 22 Afl 400,00

Pa mas informashon por tuma contacto cu oficina na
585-9500 of na 741-4554

Accidente frontal den oranan di madrugada na Madiki Kavel




Diabierna madrugada a drenta informe di un accidente na Madiki Kavel, mesora a dirigi patruyanan na e sitio. Na yegada di e patruya a bin compronde cu aki ta trata di un accidente frontal unda e Kia Rio a tuma e birada na man robes full na robes y a bay dal frontal riba e Nissan Skyline. Afortunadamente ningun hende a resulta herida.

DAMA DETENI DEN CASO PORTULACA ATROBE A BIRA MALO DURANTE INTEROGACION NA LANDSRECHERCHE TE CU AMBULANS MESTER A BUSK'E



Diahuebs mainta durante e interogacionnan na Landsrecherche e dama Nedilia cu ta detene pa e caso portulaca a bolbe bira malo y ambulans mester a bin atende durante cu a control'e si berdad a nota cu e mester bay hospital y nan a hib'e



**OLIVE TREE'S
PRE-PAID
FUNERAL PLAN**

PAY AS YOU CAN

Piedraplat ☎ 582 0000
Sanicolaas ☎ 584 8888 | 5820000
Habri dialuna pa diabierna | 8:00am-4:00pm

Olive Tree Social Department ☎ (+297) 743 7411
www.olivetreefuneralhome.com

DIA MUNDIAL DI TURTUGANAN DI LAMA

TURTUGANAN DI LAMA TA ENFRENTA PROBLEMANAN PA VIA DI DEMASIADO ACTIVIDAD ACUATICO DEN NOS AWANAN

ORANJESTAD - Awe 16 di juni cu ta dia mundial di Turtuganan di lama, Directie Natuur en Milieu (DNM) kier a enfatisa cu tur e 6 es- pecienan di turtuga di lama ta protegi pa e ley local Landsbesluit Bescherming inheemse flora en fauna. Ta trata di e espcienan protegi: Caret (Eretmochelys imbricata), Cawama (Caretta caretta), Turtuga Blanco (Chelonia mydas), Drikil (Dermochelys coriacea), Kemp's Ridley (Lepidochelys kempii) y e Olive Green Turtle (Lepidochelys olivacea). Tur aña tin turtuganan di lama cu ta subi nos beachnan y ta enfrentando hopi reto di actividad di hende. Entre esakinan ta e mashinnan di motor manera boto y 'waverunner' cu no ta cauteloso pa cu e turtuganan di lama. Hotelnan tambe no ta cumpli cu e reglanan stipula pa cu ponemento y kitamento di e stulnan di lama cu turistan- an ta uza riba beach. Otro factor cu ta hunga un rol den e ultimo tem- ponan aki ta eventonan riba beach cu asina hopi uzo di luz artificial cu ta ilumina y confundi e turtuga- nan di lama cu ta subi tera. Esaki ta clasifica como contaminacion di luz. P'esey DNM a publica tambe e regulacion "standard operating procedures (SOP)" pa cu ilumina- cion cu ta den bon practica cu bida di animalnan- manera e turtuga- nan di lama. Nos ta invita un y tur pa repasa esaki cu ta obtenibel riba nos website dnmaruba.org.

Ademas di loke a menciona ariba di e actividadnan humano tambe tin e tema cu ta trata polucion di plastic.

Esaki ta keda importante ora cu ta cu papia di e consecuencianan di cual turtuganan di lama ta muri. Plastic ta e causante di hopi prob- lema den e bida marino na mundo. Pa via di esaki e bunita turtuganan lo desaparece na gran cantidad. Nos tur por a nota cu a publica un potret di un turtuga den nos awanan cu ta demasiado rondo, indicando cu e turtuga di lama aki posiblemente tin problema cu plastic den stoma. E turtuga di lama ainda ta muestra di ta come den profundidad pero pronto, cu un bariga inflama, e lo subi superficie y lo muri. E ta bon pa un y tur refleha ariba e consumo propio. E impacto no solamente mester tuma lugar riba sentimento di hende pero tambe haci impacto riba e patronchi di consumo y para e uzo di productonan di plastic cu- alifica como desechabel (single-use plastic items).

Aki tin algun echo di turtuganan di lama.

- Luznan artificial ta causa desorientacion den turtuganan di lama y ta pone cu nan ta bay den di- reccion robes ora di pone webonan.
- Turtuganan femenino ta bolbe na e mesun beach na unda nan a nace. Nan ta masha sensitivo y tin un habilidad increibel di na- bega distancianan largo.
- Turtuga NO tin djente pero nan kaak ta traha di e mesun com- ponente cu huña (keratin) y esaki ta fit riba e craneo mescos cu djente falso.
- Ta calcula cu no mas di 1 den 1000 webo di Turtuga di lama lo sobrevivir y yega na bira un tur- tuga adulto.
- Turtuganan ta parece di prefera cumindanan cu color cora, oranje y geel. Nan ta mas curioso pa investiga e cumindanan cu e co-

lornan ey cual ta haciele peligroso. Pasobra nan lo explora hopi plastic y por ekiboca entre plastic y cum- inda.

Awe riba nan dia haci bo contri- bucion y haci un pida beach limpi, haci esaki liber di plastic of otro sushedad cu lo stroba turtuganan di lama di subi e beachnan. Si bo ta frecuente beach cu bo famia y a coba buraco den esaki, corda tapa esaki bek cu tera prome cu solo baha y bo bay cas. E organisacion TurtugAruba ta haci un trabou in- menso, no solamente di conscienci- sacion di e espcienan pero tambe accionnan di limpieza di beachnan. Ta activo den nos comunidad. Bira un boluntario di e organisacion di e manera ey yuda conserva y pro- teha e turtuganan di lama cu ta bini Aruba. Feliz Dia Mundial di Turtu- ganan di lama 2024.

16 di juni 2024

Dia mundial di TURTUGANAN DI LAMA

photo:

Kanter Constandse



dnmaruba.org

Clasificados

Icons: Car, House, TV, Restaurant, Tools, People.

CLASSIFIEDS

SOLODIPUEBLO@GMAIL.COM
CEL.585 9500

SOLO Di Pueblo

Competencia di Arte di Palabra ABC cu a tuma luga na Corsou diasabra, prome di Juni




Diasabra prome di juni tabatin e competencia Arte di Palabra (AdP) ABC, competencia y intercambio cul-

tural entre e islanan ruman Aruba, Boneiro y corsou, na K- Center Corsou. Delegacion di Aruba a biaha dia 30 di mei cu 11 hoben, kende a cay den premio di AdP na Aruba. Diabierna 31 di mei, e participantenan di islanan ABC a intercambia cu otro den un wega di "scavenger hunt" na centro comercial Sambil. E aña aki AdP Corsou a celebra e di 25 edicion continuo di e competencia literario pa alumno di enseñansa avansa na Papiamento. Competencia unda ta celebra talento di nos hobennan y nos idioma Papiamento/u. Durante di e programa, banda di e competencia tabatin entrega di e tapushi literario, cual ta un contribucion valioso na Papiamento. Di Aruba e baluarte tabata sra. Esmeralda Tromp Jacobs, di Boneiro sr. John Leoneta y sra. Anette Magalie Sumter y di Corsou sra. Stella Pieters Kwiers, sra. Rose Mary Allen, sr. Charles do Rego y Radio Hoyer. E actividad a conta cu presencia di Minister di Enseñansa, Ciencia, Cultura y Deporte, sr. Sithree van Heydoorn, cu a hiba palabra na cuminsamento di e programa. El a para keto na e union cu idioma por trece y esaki den relacion cu Arte di Palabra. Despues di presentacion di tur participante, representantenan di islanan ABC a intercambia regalo cu otro pa despues sigui cu e resultado. AdP Aruba ta gradici un y tur cu a aporta cu nan tempo y dedicacion pa asina nos hobennan por a experiencia e bunita festival di intercambio aki. Riba pagina di facebook "Arte di Palabra Aruba" y "Departamento di Cultura Aruba", por mira diferente potret di e delegacion di



Aruba na Corsou, cu a bay bishita entre otro e parke di Mangrove. Aki ta sigui e finalistanan di e competencia di poesia y storia cortico di Arte di Palabra Aruba, Boneiro y Corsou.



	7		6					
	9		5		3		1	7
				1				
	8						4	3
		2				6		
4	5						7	
				3				
7	4		2		5		6	
					4		2	

3			4			1		
						7		
	8		6					4
2			3	9		6		
4			5					
1		7				9		
						8		
	4						6	
		6	8	1			5	7

IGLESIA PENTECOSTAL DI ARUBA TA PRESENTA TREMENDO CAMPANJA EVANGELISTICO DI RESTAURACION

Na Dios tur e Gloria. Diabierna 14 di Juni 2024, Diasabra 15 di Juni 2024 y Diadomingo 16 di Juni 2024 (Dia di Tata) Iglesia Pentecostal di Aruba ta invitabo na un tremendo campanja Evangelistico cual ta cuminsa pa 7:30 pm -9pm. Nos ta situa dilanti di Macro na San Nicolas, den Edificio di Ibero High School, Dr Scheapmanstraat 18. Nos ta consciente di tur locual ta pasando rond di nos, y nos ta consciente cu nos no por bringa den nos mes forsa, pesey nos ta invita Aruba completo, pa

ta huntu cu nos den tres anochi special, caminda e Palabra di Dios, lo wordo predica pa restauracion di nos alma. Ta hopi famia ta pasando den momento dificil, hopi preocupacion bao di mayornan, hopi rebeldia bao di muchanan, tur sorto di necesidad ta presenta, pesey Hesus a bisa: Bin serca Mi tur cu ta cansa y carga y lo mi duna boso sosiego. Stress y depresion ta domina bida di hende y asina

pone salud mental na peligro, inmoralidad ta aumenta, trenciendo integridad di hogar y famia na peligro. Hopi hende ta sostene nan bida cu calmante, hopi ta confia cu alcohol, droga y paranda por kita nan stress y depresion, pero tur e cosnan ey ta temporal nan no por kita e dolor di curason di hende. Tin hopi ta tira falta riba otro, riba comercio, riba gobierno, riba internet, pero ningun di e cosnan ey no ta cambia situacion di bida di

hende. Pesey e realidad y e berdad mester wordo bisa na tur hende pa asina nan bida por wordo restaura, pa nan mente por haña sosiego y asina por tin pas den nan curason. Mester spierta e pueblo, cu tin Un cu por yuda, y e no ta cobra nada, e ta sana sin cobra, e ta libera sin cobra, y mas cu tur cos e ta e Unico cu por salba nos, y su nomber ta Hesus Cristo di Nazaret. Scuridad ta aumenta dia

pa dia, hende ta kere mas den fabula cu nan ta kere den Dios, y pesey tin tanto maldad y inmoralidad ta aumenta. E tempo a yega pa cada cas y cada famia por bisa: Ami y mi cas ta sirbi Señor. Diabierna 14 di Juni pa 7:30 pm -9pm, Diasabra 15 di Juni 7:30-9 pm y Diadomingo 16 di Juni 7:30-9pm nos ta spera bo na Iglesia Pentecostal di Aruba. Bini pa huntu nos Alaba, y Glorifica y scucha Palabra di Dios. Sinceramente Pastor Marcel Balootje.

Prome Minister Evelyn Wever-Croes:

FELIZ DIA DI TATA NA TUR NOS TATANAN

“E influencia di un tata ta bay mas leu cu su famia. E sabiduria, liderazgo, proteccion y amor di un tata na su yiunan ta e fundeshi pa un comunidad fuerte y resiliente”

Diadomingo 16 di juni, nos ta celebra Dia di Tata. Un dia sigur pa honra tur tata den nos comunidad. Prome Minister Evelyn Wever-Croes ta desea tur tata na Aruba un Feliz dia den compania di nan yiunan y demas famia. Riba e dia aki, nos ta reconoce e diversidad di e rol di tata. Sea bo ta un tata biologico, un padraastro, un tata adoptivo, of un figura di tata, bo rol ta esencial y hopi stima. Bo amor no tin limite y bo impacto riba e bida di esnan cu bo ta cuida ta forma un sociedad inspira pa sigui padilanti. “Riba e dia aki, como un comunidad, nos ta para keto pa reconoce e rol importante cu cada tata ta hunga den nos bida y den nos comunidad. Un dia pa expresa nos mas profundo gratitud pa e sacrifician cu boso ta haci. E influencia



di un tata ta bay mas leu cu su famia. E sabiduria, liderazgo, proteccion y amor di un tata na su yiunan ta e fundeshi pa un comunidad fuerte y resiliente. Riba dia di tata nos ta celebra tur e tatanan den nos bida, pa nos muestra nan nos aprecio y gradici nan pa nan apoyo, nan sosten, nan cariño y nan amor pa semper tey pa nos y semper kere

den nos. Pa esnan cu no tin nan tata mas den bida, mi ta spera cu bunita recordonan di bo tata, por pone un sonrisa riba bo cara y un alegria den bo curason. Feliz dia di tata na tur nos tatanan, Masha danki pa boso dedicacion, amor y forsa, cu ta e legado cu boso ta laga den bida di boso yiunan y pa e futuro di Aruba.

SETAR ta participa fayecimento di:

Sra. Gladys A. Tromp-Felamina

Mama di nos colega
Giovanni Tromp,
Coordinator Outside Plant Operations.

Acto di entierro ta tuma luga diasabra 15 di juni
2024 di 9or pa 11or di mainta na Olive Tree
Funeral Care & Crematory. Despues lo sigui pa
Santana Central na Sabana Basora.

Gerencia, Staf y Personal di SETAR N.V.
ta extende palabra di condolencia na
Giovanni y demas famia.



MESUN 5 CACHONAN CU A ATACA MOTOCICLISTA DIAHUEBS, DIABIerna A BOLBE ATAke Y DESTROI PARTI DI SU HARLEY



Diabierna mainta a drenta informe di un caso di atake y destruccion na Rooi Afo/Paradera, mesora a dirigi un patruya na e sitio. Na yegada di e patruya a bin compronde cu aki ta trata di casi mesun caso cu e dia

anterior un 5 cacho di un cas sin porta a sali for di cura y a bay ataca e motociclista, pero diabierna mainta e mesun 5 cachonan aki a bolbe atake y a causa destruccion na su Harley Davidson. Polis a bay na e cas

unda tin e cachonan pero e doñonan no tey of nan no kier sali responsabilisa nan mes.

Polis a keda di pasa otro rato na e cas pa wak si ta topa cu e doño.

NWO ta organisa combersacionnan comunitario na Aruba

E programa di Investigacion Caribense di e Organizacion Hulandes pa Investigacion Cientifico (Nederlandse Organisatie voor Wetenschappelijk Onderzoek (NWO) ta desaroyando un agenda di conocimiento hunto cu e parti Caribense di Reino. E agenda di conocimiento aki ta inventarisa unda tin preguntanan social y con investigacion científico por contribui pa contesta nan. Na juni y juli 2024 NWO ta organisa encuentronan publico riba e seis islanan pa averigua si ta reconoce e contenido. E encuentronan na Aruba ta di dialuna 17 di juni te cu diabierna 21 di juni.

Impact Hub Aruba

Riba diamars 17 di juni ta tuma lugha un 'community conversation' na Impact Hub Aruba. E encuentro

ta cuminsa 6:00 pm y lo termina 8:00 pm. Un y tur ta invita pa participa na e combersacionnan. Durante e encuentro e team lo analisa pa cua topico of topiconan tin interes. Lo bo ricibi mas informacion al respecto durante e encuentro riba dialuna.

Riba dialuna y diahuebs ta tene combersacionnan mas cortico cu stakeholders. Eseyan por ta individuonan, representantenan di organisacionnan, of un cantidad di organisacion conhunto. Ta clausura e bishita na Aruba cu un encuentro na Universidad di Aruba. E combersacion aki ta bay tocante e condicionnan pa por ehecuta investigacion. Organizacion di e encuentro ey ta den man di universidad.

Siman di Investigacion Hulanda

Caribense

A traha e agenda di conocimiento a base di encuestanan amplio riba problematicanan social na 2019 y 2021 bou di habitante- y investigadonan di e seis isla-/paisnan. Relaciona cu e 'community conversations' y otro combersacionnan den juni y juli ta formula e agenda di conocimiento definitivo. Ta invita comunidad di e seis isla-/paisnan pa participa na e sesionnan pa asina nan mes por determinacion kico lo bin den e agenda di conocimiento. Tambe NWO ta puntra con e comunidadnan Caribense ta mira un rol pa nan mes den e desaroyo of ehecucion di investigacion científico. Lo presenta e agenda di conocimiento definitivo durante e Siman di Investigacion Hulanda Caribense na october 2024. NWO

despues gustosamente kier traha cu e comunidadnan Caribense pa haci investigacion nobo, basa riba e agenda di conocimiento, posibel.

E team cu lo hiba e combersacionnan na Aruba ta conosci di Edrieëna Brandao, Danick Trouwloon, Elton Villarreal y na nomber di NWO dr. Arnold Lubbers, coordinado di e programa di Investigacion Caribense. Si bo ta interesa den un combersacion, tuma contacto e ora ey via caribbean@nwo.nl



**BO SANGER
TA SALBA BIDA!**

587 0002
StichtingBloedbankAruba

Registra pa bira donante na www.bloedbankaruba.aw